



SIE Charnadüras, Lavin - surdattas da lavur

Cuntschaintamaing es la via da god Charnadüras a Lavin in ün nosch stadi e sto gnir refatta. Davo cha las lavurs sun gnüdas scrittas oura tenor ledscha da submitziun dal Chantun Grischun, sun las lavurs d'impersari gnüdas surdattas a la firma Bagger Cello GmbH, Zernez e las lavurs per la refacziun/sanaziun da la via a la ditte Flura Agrar, Müstair.

SIE Laschadura, Zernez - surdatta da lavur

La suprastanza cumünala ha surdat las lavurs da refacziun e sanaziun da la via dal proget SIE Laschadura a la firma Flura Agrar, Müstair.

Chasa da scoula Zernez - rimplazzamaint da la mobiglia - surdatta da furniziun

Sco previs i'l quint d'investiziun esa planisà da rimplazzar la mobiglia da diversas stanzas da scoula d'urant ils prossems tschinch ons (2023-2027), adüna i'l import da raduond 50'000 CHF/on. Las transchas pels ons 2023 e 2024 sun gnüdas surdattas a la firma Knobel Schulinrichtungen AG, Sins.

Chamonnas - inserat fittanza

Il Cumün da Zernez scriva oura las seguaintas trais chamonna illas fracziuns da Zernez e Lavin per la fittanza a lunga d'urada, cun resguardar e muossond via sülla nouva ledscha da chamonnas:

- FASTENS COTSCHENS (no. GVG 136) – fracziun Lavin
- LA ROSTA (no. GVG 528) – fracziun Zernez
- MUOTTAS DA CLÜS (no. GVG 297) – fracziun Zernez

Populaziun da lufs i'l territori dal Cumün da Zernez

Il Cumün da Zernez ha agi invers la Regenza dal Chantun Grischun e fat diversas dumondas criticas in connex cun la situaziun actuala da lufs i'l territori dal Cumün da Zernez.

Rendaquint 2023

Las instanzas cumünalas sun repassadas il rendaquint 2023. Il rendaquint es gnü approvà a man da la revisiun da quint tras il büro Lischana fiduziari SA a Scuol ed a man da la cumischiun sindicatoria. I'l mais mai vain il rendaquint approvà e rinvià a man da la radunanza cumünala dals 30 mai 2024.

Dumondas da fabrica BaB

La suprastanza cumünala ha concess in sia sezüda quatter permiss da fabrica per edificis dadour la zona da construcziun (BaB):

- Parcella no. 0887, Cumün da Zernez - Chamonna Ova Spin - sanaziun ed annex tualetta
- Parcella no. 0943, Salt Mobile SA - Ova Spin, Zernez - schlargiamaint indriz da func mobil
- Parcella no. 2392, Cumün da Zernez - deponia Mundaditsch, Susch - renatüralisaziun/proget da finischun
- Parcella no. 2404, Swisscom Schweiz AG - Pass dal Flüela, Susch - modificaziun indriz antenna e cabina

Il Cumün da Zernez ha acconsenti ils seguaints permiss da fabrica:

- Parcella no. 0257, Cumün da Zernez - sanaziun sarinera Zernez - indriz fotovoltaic - müdamaint da proget
- Diversas parcelas, Cumün da Zernez - Viel-Tarsous, Zernez - proget d'infrastructura (cun igluminaziun publica)

Persunal

Principi lügl cumainza **Emanuele Rada** da Brusio, sco nouv bos-cher sia piazza pro'l Cumün da Zernez.

Inavant cumainza principi settember **Stephan Leu** da Scuol, sia piazza sco nouv manader da sparta e da progets illa secziun da las Gestions Tecnicas dal Cumün da Zernez.